

Kantonalno javno komunalno preduzeće „RAD“ d.o.o. Sarajevo, ulica Paromlinska broj 57, Sarajevo, koga zastupa direktorica Vera Arnautović dipl.pravnik (u daljem tekstu: Kupac).

Identifikacioni PDV broj: 200316890001

Poreski broj: 01700105

Broj rješenja: U/I-1664/89

Transakcijski broj računa: 338-900-2208077649 UniCredit banka d.d. Sarajevo

i

EURO-METALI d.o.o. Doboj Jug, ulica Sarajevska br. 17, koga zastupa direktor Jasmin Subašić (u daljem tekstu: Prodavac).

Identifikacioni PDV broj: 218466780006

Poreski broj: 05213284

Transakcijski broj računa: 3385502203297470 UniCredit banka d.d. Sarajevo

zaključili su:

U G O V O R
o nabavci cijevi, profila i limova

PREDMET UGOVORA

Član 1.

Predmet ovog Ugovora je nabavka cijevi, profila i limova, a u skladu sa ponudom Prodavca broj: 04/04/18 od 04.04.2018. godine i Odlukom o izboru najpovoljnijeg ponuđača.

CIJENA

Član 2.

Cijena nabavke cijevi, profila i limova je fiksna i nepromjenjiva. Fakturisanje se vrši po važećem cjenovniku Prodavca iskazanom u ponudi Prodavca broj: 04/04/18 od 04.04.2018. godine, a koja čini sastavni dio ovog Ugovora.

Ukupna vrijednost ugovora iznosi: 30.000,00 KM bez uračunatog PDV-a

NAČIN PLAĆANJA

Član 3.

Za isporučenu robu, a koja je predmet Ugovora, Prodavac će na osnovu narudžbe koja je ovjerena od strane ovlaštenog predstavnika Kupca ispostaviti Kupcu fakturu.

Kupac će plaćanje izvršiti na transakcijski račun Prodavca u roku od 60 dana od dana isporuke robe i ispostavljanja validne fakture dobavljača.

ROK I MJESTO ISPORUKE

Član 4.

Isporuka robe koja je predmet nabavke je 24 h (sata) od narudžbe u skladište Kupca po vrsti, količini i u roku.

Prodavac će isporučivati robu prema dogovorenoj dinamici u skladu sa potrebama Kupca.

KVANTITATIVNI I KVALITATIVNI PRIJEM REKLAMACIJA

Član 5.

Kvantitativni i kvalitativni prijem robe vrši se prilikom preuzimanja iste.

Reklamaciju na robu, Kupac će dostaviti u obliku Komisijskog zapisnika o prijemu, u roku od 5 (pet) dana, od dana prijema.

Prodavac je dužan da po prijemu zapisnika neodgovarajuće robe istu povuče od Kupca.

Reklamaciju na kvalitet Kupac će dostaviti u roku od 5 (pet) dana po saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

OBAVEZE PRODAVCA

Član 6.

Prodavac se obavezuje da će isporučena roba biti u skladu sa opisom i kvalitetom koji je ponuđen u ponudi Prodavca broj: 04/04/18 od 04.04.2018.godine.

GARANCIJA

Član 7.

Prodavac je obavezan dostaviti garanciju za dobro izvršenje posla 10 % vrijednosti ugovora. Rok za dostavljanje garancije je 7 (sedam) dana od dana potpisivanja Ugovora.

UGOVORNE KAZNE

Član 8.

U slučaju kašnjenja u isporuci robe, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

ANTI KORUPCIJNA KLAUZULA

Član 9.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

UGOVORNE ZABRANE

Član 10.

Prodavac nema pravo zapošljavati, u svrhu provedbe ugovora o javnoj nabavi, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koju je angažiralo povjerenstvo za nabave najmanje šest mjeseci po zaključenju ugovora, odnosno od početka realizacije ugovora.

IZMJENE I DOPUNE

Član 11.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mijenjati ili dopunjavati ovaj ugovor pod uslovom da su ga potpisali ovlašteni predstavnici ugovornih strana.

OSTALE ODREDBE

Član 12.

Ugovorne strane su saglasne da će sve eventualne sporove po odredbama ovog Ugovora rješavati sporazumno u protivnom je nadležan sud u Sarajevu

Član 13.

Ugovor stupa na snagu danom potpisivanja i traje do 06.04.2021. godine, ili do potpune realizacije ugovorenih obaveza.

Član 14.

Sastavni dio ovog Ugovora je Ponuda broj: 04/04/18 od 04.04.2018.godine.

Član 15.

Ugovorne strane su saglasne da se na druga pitanja koja nisu regulisana ovim Ugovorom, primjenjuju odredbe Zakona o obligacionim odnosima BiH.

ZAVRŠNE ODREDBE

Član 16.

Ugovor je sačinjen u 6 (šest) istovjetnih primjeraka, od kojih 4 (četiri) primjerka zadržava Kupac, a 2 (dva) primjerka zadržava Prodavac.

EURO-METALI d.o.o. Doboj Jug
Direktor

Jasmin Subašić

KJKP "RAD" d.o.o Sarajevo
Direktorica

Vera Arnautović, dipl.pravnik

SUPOTPISNIK UGOVORA
V.d. Izvršnog direktora Pogon „Održavanja“

Nermin Hodžić, dipl.ing.saobr.

Broj 05-03-04-_____/20

Datum: 06.04.2020.godine